

14 SEPTEMBRIE

RUGACIUNEA 3

SFINTEI CRUCI

Молитва

О, всесвятый и всечестный Кресте Господень! Прежде презренное и постыдное орудие казни, ныне же почитаемый и прославляемый, яко оружие спасения! Како по достоянию твоему возмогу воспевати тя? Како восприиму дерзновение принести тебе мое поклонение, аз грешный и недостойный? Точию неизреченное человеколюбие пригвожденнаго на тебе Богочеловека Христа Спасителя нашего укрепляет мя немощнаго. Сего ради, надеясь на снисхождение Его, вопию тебе: Радуйся, Кресте, основание Церкви, вселенная утверждение, прибежище верным! Крест — демонов истребление, нечестивых погубление, неверных вразумление! Крест — дев целомудрие, Крест — праведных облегчение, заблуждающихся путь, безстыдных раскаяние, неимущим богатство, плавающим кормчий, слабым сило, сражающихся охранение, сирот питатель, вдов заступниче, неимущим упование, единая точию надежда! Ты еси воистину древо познания, на немже Единородный Сын Божий искупил еси

неизмеримые долги неблагодарнаго человека Богу и Создателю его; ты еси жезл Моисеев чудотворяй, иже отверзе нам путь в рай, услаждай скорби наши, исцеляй болезни наши. Ты еси Соломонов одр, на немже Царственный от Иуды Лев, плотию уснув воскрес тридневен во славе, яко победитель ада. Сего ради по достоянию воспеваю и прославляю тя, богоблаженнейший Кресте, всею душею своею в вечер и заутра и во дни, полагая на тя все упование спасения моего. **А**минь.